



partii naleraq

UPA 2017/137-01

21.04.2017

Imaani avatangiisit allanngutsaaliorneqarnissaat pillugu inatsisartut inmatsisaat nr xx. xx. xx 2017-imeersoq.

(Namminiilivinnermut, Pinngortitamut, Avatangiisinut Nunalerinermullu Naalackersuisoq).

Imaani avatangiisit allanngutsaaliorneqarnissaat pillugu inatsisartut inatsisaattut siunnersuut Partii Naleraq sinnerlugu imannak oqaaseqarfigissuarput.

Inatsisissatut siunnersuutip soqutiginarput piviunngortinneqarnissaa soqutigalugu suleqataaffigissuarput, tassami imaq kalaallit Nunatsinni inuussutissarsiornermi ukiorpassuarni pequusiverujussuatsitut inissisimajuarpog.

Taamaattumik imartartsinnik mingutitsinaveersaarneq sutigut tamatigut tamaviaarullugu suleqataaffigisariaqarparput.

Tassami nassuerutigalugu oqaatigineqatariaqarpoq, inuussutissanit eqqakkat assigiinngitsut, igaffimmit eqqakkat, ingerlatsinerniit eqqakkat assigiinngitsut, plastikkit, qassutaarsiutit, uuliat puukui, allarparujussuillu imaanut iginneqartartut aalisakkanut piniakkanullu qularnanngilluinnartumik assigiinngitsutigut sunniuteqapiluttartut amerlingaluttuinnarput.

Sumut tamaanga eqqaanerujussuarput inuttut ataasiakkaatut akisussaassuseqarluta taamaatinniartariaqarparput. Taama oqariarluta aamma ukiorparujussuarni Amerika-rmiut eqqagarsui sinerissami sumiiffinni assigiinngitsuni imaanut seerisut, qularnanngitsumillu imartatsinnut uumassusilinnullu sunniuteqapiluttut pimoorunnerullugu aaqqiivigineqarnissaat danskit naalackersuisuinut saaffiginnissutigeqqinneqartariaqartut piumasaqaatingaarput.

Taamaattumik tusarniaanermut atatillugu nunatsinni nakorsaaneqarfik siunnersuummut oqaaseqaateqarsimangimmat paasiuminaatsipparput, tassami nunatta imartaaniit nerisassat pissarsiaavut mingutitsinerup kingunerisaanik ataatsimut isigalugu isumaliutigisariaqarmata, imaanut eqqaanerujussuup kingunerisaanik imaani uumassusilinnut aammalu inuit peqqissusaannut

sunniisarnerat nalilersinnaajumallugu eqqakkat suunersut qanorlu katitingaanerannut tunngatillugu ilisimatusarnikkut naammattumik tunngavissaqartariaqaratta.

Taamaammat aamma Partii Naleqqamiit paasilluassallugu soqutingaarput, inatsisissatut siunnersuutip tamakkiisumik atuutsinneqarnissaanut iliuusissat ersarinnerusut paasisaqarfigilluassallugit.

Tassami assersuutigalugu umiarsuarsuit takornariartaatit ukiuni kingullerni nunatta sineriaanut tikittartut nakkutigineqarnerunissaat qanoq pilersaarutigineqarpa ? aamma siunissami umiarsuarsuit “sullualukkoortalerumaartussat” eqqarsaatigalugit.

Aamma soorlu assersuutigalugu umiarsuarni imermik “ujaqqiummik” (oqimaaloqquttamik) saliisarmut taarsiisarnissanullu malitarisassat eqqarsaatigalugit suut periutsit atorneqassanersut takorloorneqarnersut soqutiginarput ?

Naggataatigut maluginiarparput inatsisissatut siunnersuutip kalaallisoortaani pineqaatissiisarnissamut atatillugu siunnersuummi oqaaseq “pillaammik” arlaleriarluni atorneqarpoq. Taassuma oqaatsip atorneqarnera nunatsinnut tulluannigilaq, tassa nunatsinni pillaasarnermut inatsiseqannginnatta.

Taama naatsumik oqaaseqarluta siunnersuutip aappassanneerneqannginnerani Eqqissisimatitsinermut Avatangiisinullu Ataatsimiititaliami suliarineqarnissaa inassutingaarput.